

欽定大清會典事例

欽定大清會典事例卷六百四十九

兵部

馬政牧馬二

道光元年議准。直隸省各鎮協營共餽養旗馬三千一百八十八匹。除宣化鎮馬二百九十六匹。由彼就近交察哈爾官兵收領出青外。其餘馬二千八百九十二匹。均解送到京。由

欽派王大臣點驗。交與察哈爾領牧。霜降後仍令各鎮協收回餽養。其出派收領馬匹之員。必須將各鎮協營辦馬官弁職名。先期送部存案。○二

年奏准。原調察哈爾牧廠馬駝並直隸駝隻及八旗各營不出青馬。仍令照例於回圍三日後先行收回。其餘應行出青馬匹。俱令隨從官兵暫行餵養。每馬一匹。仍日給草乾銀一錢。俟出青時由原

派大臣驗看交收。

互見馬
帑門。

○又

諭。前據楊芳奏查明試養廠馬過冬並無瘦毙情形。擬於每年霜降後。撥馬三成在廠過冬。節省乾銀貼餵在槽馬匹。兵部議較甚是。但該提督所奏係因時制宜。為調劑營馬起見。仍著准其以三成馬匹在廠過

冬。此外各營不得援以為例。互見馬斧門。○又議准嗣後

凡遇圍差京城及附近所設馬駝足數乘騎牧
廠馬駝酌量止調如遇要差不敷乘騎無論春
秋仍應調用○四年

諭穆彰阿等奏均查大凌河馬羣一摺盛京大凌河額
設驄騾馬羣一萬三千六百匹向例每屆三年由上
駢院均查一次如孳生數目較多除留原額馬匹外
將餘馬交盛京各屬州縣分別變價茲自嘉慶二十
五年至道光三年屆應查驗經穆彰阿等均齊羣牧
該處現在多餘馬四千四百餘匹著毋庸照例變價

俟高喀鼎到彼均齊羣牧後。即將此項馬匹。加恩分賞。盛京吉林黑龍江等處兵丁。交將軍晉昌確加查點。遵即行知該二處將軍派委妥員。均勻領取。毋致虛冒而昭實惠。互見馬帑門。○又奏准伊犁牧廠馬匹。於年終查明。如贍分肥壯。倒贍數少者。官員給予議敘。兵丁記名於揀選時列名。若馬匹瘦弱。倒贍多者。著落賠補外。將官員參奏議處。兵丁責懲。○又奏准塔爾巴哈台牧廠馬匹牲畜。每年查驗。若贍分在三分以上。倒贍不逾定額者。由該處參贊大臣奏明。將領隊大臣總管副總管

牧廠佐領俱准其議敘。兵丁記名遇揀選處列
名。如倒毙雖未逾額。而臘分在三分以下者。毋
庸議敘。儻臘分平常。倒毙過多者。將領隊大臣
總管副總管牧廠佐領。一併叅奏議處。仍將倒
斃過多之牲畜。著落賠補。兵丁重責。○又奏准。
烏魯木齊伊犁庫爾喀喇烏蘇精河濟木薩營
吐魯番等處屯田兵丁違犯應需牲畜。該辦事
大臣於一年內查明倒斃分數。除馬匹驢駱准
以三分報銷。牛隻准以一分五釐報銷外。儻稍
有逾額。著落該管各官賠補。仍記過以示懲儆。

如馬匹驥駒倒斃不及三分。牛隻倒斃不及一分五釐。將該管各官記功。其馬匹驥駒倒斃不及二分。牛隻倒斃不及一分者。該管各官給予議敘。如馬匹驥駒逾額倒一分以上。牛隻逾額倒五釐以上者。著落該管各官賠補。仍咨部議處。○又奏准。甘肅甘州提屬六廠巴里坤古城濟木薩各廠孳生馬匹內。七歲以下之駒馬留廠經牧以備機用。每年每百匹。准開報倒斃馬六匹。八歲以上之駒馬。遇有各營倒斃合例營馬缺出撥補。至二十歲以上之駒馬。及口老殘

廢碎小之兒馬。交地方官分別據實變價解司。
甘州提屬六廠。三年均齊後。准挑變一次。巴里
坤各廠六年兩次均齊後。准挑變一次。每百匹
均准挑變馬六匹。不得逾額。其孳生牧廠倒缺
兒驃馬數。即以續得孳生兒驃馬匹抵補。分析
造冊送部。俟考成時。將頂補過馬駒。仍算入孳
生案內。以定功過。七年

諭彥德等奏。請旨將塔爾巴哈台之什德哩牧廠添設
備差馬一百匹。按照從前倒斃六疊數目。改為三分
報銷等語。現在塔爾巴哈台貿易商民較前倍增。哈

薩克等亦較為艱窘。盜劫案件漸多。遇有盜案。即時出派官兵乘馬蹕緝。方於邊務有裨。即照彥德等所奏。著在什德哩牧廠添設馬一百匹。以備差役。此項新設馬匹。著即照從前軍臺三分報銷之例辦理。用示朕矜恤蒙古臣僕至意。至倒斃數目。若逾三分。仍著落牧放之人賠補。如有出差官兵。不惜馬力。任意驅馳者。其所倒斃馬匹。即著落該官兵賠補。○又

諭彥德奏調剝牧廠卡倫事宜一摺。塔爾巴哈台地處極北。察哈爾額魯特等。自設立牧廠以來。歷年交烏魯木齊科布多軍營內地。及本處屯工軍臺馬牛羊。

隻。均無貽誤。現因生齒漸繁。生計拮据。上年復遇偏
災。更形苦累。著照伊犁奏定章程。自道光八年起。孳
生廠所取馬駒牛犢。另廠牧放。遇有差撥不敷。一體
撥用。俟及歲時。其兒馬壯牛。仍照例歸入備用廠外。
其驃馬乳牛及歲後再取之孳生。即著賞給窮苦之
察哈爾額魯特等。以資謀生。俟生計稍裕。仍歸入孳
生廠照例取孳。其孳生廠之馬。查出口老者九百四
十三匹。著即賞給蒙古。嗣後口老殘傷牲畜。仍照舊
例辦理。其東南一帶。係通烏魯木齊伊犁大道軍臺
五處。防範難周。著於雅瑪圖沙喇霍洛素之間。三月

雪消之後。東西設布克申二處。每處添派官一員。滿營四營兵十名。額魯特領催二名。壯丁二十名。於境內往來巡緝。遇有竊劫之案。即跟蹤追緝。九月雪後撤回。如始終奮勉。贓賊並獲。奏明獎勵。儻緝捕不力。藉端滋事。即從嚴懲辦。其千齊罕莫多。原設小卡官兵。著即裁撤。並果札木沙爾布拉克原設額魯特領催兵丁。一併歸入新設布克申內。均著照所請辦理。

○八年

諭直隸古北口中左右三營騎操馬匹。向於立夏後。以一半牧廠出青。至霜降後全馬歸槽。茲據齊慎查明。

馬匹在廠過冬。從前未見起牘。近年以來。冬寒雪大。多致瘦絕。自應量為變通。所有該廠馬匹。著即停止在廠過冬。全數歸槽。互見馬門。○九年

諭。楊遇春奏。請將羸老馬匹變價充公。並裁撤牧兵一摺。甘肅西甯鎮馬匹。孳生繁息。而馬廠窄狹。不敷牧放。以致擁擠。日形疲瘦。所產馬駒。不堪經牧。茲據該督查照成案。估計變價。著照所請。所有西甯鎮廠存口老馬四千數百匹。病廢碎小兒馬一千數百匹。即委道府大員。赴廠詳驗。除將膘壯者留廠。並撥補各營缺額外。其餘殘廢不堪孳生之馬。以及碎小兒馬。

一併交地方官變價分別等第造冊送部其經牧兵
丁即可裁撤歸營差操互見馬
禁門○又

諭兵部奏差駝不數據咨另籌一摺已依議行矣此次
巡幸盛京需用駝隻前經兵部奏准調用察哈爾牧
廠駝二千隻茲據兵部奏稱該處咨報僅有大驅駝
一千一百餘隻堪以調用其餘除倒毙外均係三四
歲駝隻弱小未堪駕載等語察哈爾牧廠駝隻原以
備差調之用該處左右兩翼現有大驅駝四千五百
八十隻每年孳生既多則驅駝即應不少何以調用
二千隻竟短少九百隻之多可見該處所稱牧廠陸

續取駒。及大驃駝四千五百餘隻之數。竟係有名無實。嗣後著該都統等隨時認真稽察。無論驅駝驃駝務令一律膘壯足數。逐年增多。一經奏調。不准以倒斃弱小飾詞搪塞。如再不敷應用。惟該都統等是問。

○又議准察哈爾採買駝隻。照牧廠駝隻進口例。每隻給空草一束。○又

諭。朕昨日經過杏山迤東之石門子地方。聞看馬廠內排列大凌河驅駝馬三十四羣。共一萬二千九百五十餘匹。均極膘壯整齊。從此逐年孳生。日益蕃庶。遇有差調。何患不敷。因思嘉慶年間富俊曾經奏請裁

撤大凌河牧廠馬匹。分撥盛京吉林黑龍江三省官兵拴養。

皇考仁宗睿皇帝特降

諭旨飭駁以其事斷不可行。仰見

聖慮周詳至深且遠。馬政攸關緊要。大凌河牧廠寬廣水草茂盛實足為番息之資。若輕議裁撥則散之甚易。聚之甚難必至馬匹缺額不能仍復舊規儻再有半為此請者即係莠言亂政定當執法嚴懲現在該處馬羣充初已有成效嗣後著該副都統留心稽察認真經理嚴飭各莊頭每歲於馬匹歸槽時如意錄

養出青時妥為牧放務令孳息蕃昌多多益善俾一律肥壯可用斷不可稍形懈弛以致有名無實若日久視為具文馬羣內有瘦瘦殘傷不堪調用者一經查出惟該副都統是問又奏准請將宣化府屬採辦駝一千九百隻除先期倒斃者仍赴部領價外其餘收回駝隻援照察哈爾奏准章程一律報倒二成按八成變足原價歸款將來春秋園差仍照舊例辦理不得援以為例十年

諭玉麟等奏伊犁歲收哈薩克租馬及各部呈遞伯勒克馬匹向交察哈爾額魯特兩營入於備差廠牧放

其倒斃分數。例與孳生備差之馬。按年一律以六釐報銷。近年以來。各夷呈納之馬。多係殘廢。入廠後易於倒斃。該官兵等不能溢額報銷。自應量加調劑。著照所請。嗣後此項馬匹。收交該兩營另廠牧放。續有倒斃。准其每年每百兩報銷三分。自道光九年為始。另冊造報。照新定章程覈銷。以示體恤。其孳生廠出羣備差之馬。仍照舊例。按年以六釐報銷。毋得牽混。

互見馬
帑門

○十二年

諭長齡等奏遵旨籌議設立駝廠章程一摺。前據長齡等奏。請將阿克蘇軍需局收到內地置買協濟官駝。

挑選二千五百隻分撥葉爾羌等處設廠牧放。諭令妥為辦理。茲據尋議章程具奏。著准其就各城原撥數內量為裁減。於葉爾羌巴爾楚克共撥駝八百隻。每屆出廠時以四百隻分交各軍臺兵丁運送布棉。以四百隻分撥該兩城兵丁運送糧石柴薪。統由經牧章京管理。喀什噶爾撥駝二百隻以備兵丁駝運柴薪。阿克蘇撥駝五百隻運送冰嶺布棉硝磺。所有各城派收兵丁作為廠兵免其差操。各廠駝隻照伊犁特穆爾廠之例不取孳生亦不准倒斃。除運送官物仍給盤費外。空閒之日准各廠兵自行營運。定以

限制。不得潛越庫車以東。所得腳資。即添補繩索。羣
扈不准另行開銷。每屆年終。各城將存駝數目。咨報
參贊查覈。毋任日久滋弊。俾不致有累回衆。以期隨
時調用而實軍儲。至其餘駝一千隻。即著咨交烏魯
木齊都統收明。按照舊例飭令一體牧養。聽撥。○十

八年

諭向來察哈爾牧放馬匹。每遇出青。由京派副都統前
往稽察。該員既無專辦之事。日久徒成具文。著自今
歲為始。此項差使。即行裁撤。屆時毋庸請派。所有該
處牧羣事宜。著責成察哈爾都統副都統督同總管

侍衛認真經理。遇有出青回青之時。著邊派委員前往照料牧放。並另派幹員不時加意稽察。務使牲畜足額。一律膘壯。儻日後查有疲瘠倒缺各弊。惟該都統副都統是問。○又議准。一。八旗各營。並直隸馬匹。牧青之時。由各該管官將出青之馬。造具毛齒印冊二分。一分送部存案。一分交牧馬總管。以備該都統等按冊查對烙印。令其出口牧放。以杜空交空收。及逢次盜抵等弊。一。嗣後遇有圍差。所調各旗營。並直隸出青馬匹。至回圍之日。其中如有殘缺遺失。即照圈馬之例。賠銀七兩。

並將調用牧廠馬匹。照數扣留足額。至常年出
青馬匹。內有口老殘傷者。仍令各旗營賠補馬
匹。以昭覈實。一。左右兩翼出牧馬匹。統由張家
口行走。俾該都統親自查驗。以昭覈實。一。宣化
鎮各營出青官馬。送往張家口交納。造具毛齒
數目冊籍。於到口進口時。按冊查驗。一。發補例
倒馬匹。令牧羣總管。將應撥馬匹。查驗明確。先
行造具毛齒數目清冊備查。一面將馬交牧馬
總管驗收。回青之日。按冊查對。毛齒相符。飭令
總管送京交納。並令該都統轉飭查明某翼某

羣倒毙馬匹若干。將撥補學生馬匹數目。造具毛齒清冊。送部存案。以備監收回青馬匹時。按冊查驗。一馬匹回京之前。先令牧馬總管等。將應放馬匹。造具毛齒清冊。先行呈報。於進口時。該都統等親自按冊查驗。將清冊備文飛送兵部。以備照冊驗收。儻有毛齒不符者。隨時參究。一回青時。馬皆肥好。無口老殘疾而又倒毙不及額者。大臣官員交部議敘。兵丁每名賞給一月飼銀。至臘分欠者。不必議敘。若倒毙雖少而口老殘疾多者。將口老殘疾之馬。照數挑出。著

令賠補。如或馬匹疲瘦殘傷。至有調換情弊。將察哈爾官兵嚴加治罪。大臣一併議處。俱由監收王大臣於收馬完竣摺內聲明。文部照例辦理。○又

諭前據賽尚阿等奏酌擬察哈爾辦理出青官馬章程當交兵部議奏。茲據該部逐款覈議開單呈覽。朕詳加披閱。其察哈爾總管侍衛均係該都統所屬。嗣後著兵部毋庸奏派。即由該都統等自行遴選堪勝領馬交馬之總管侍衛。將銜名豫咨兵部。並著該部於奏請欽派監收馬匹王大臣摺內。將該都統所派領

馬之總管侍衛職名。一併聲明。以專職守。○二十二
年

諭前有旨令鐵麟等將察哈爾領放直隸牧青馬匹。全數調回京師。並令於上駟院太僕寺牧羣內挑選二千匹。管帶來京。所有此項馬匹抵京後。即於南苑牧放。著派培成貴成巴里善前往妥為照料。欽此遵

旨議定。上駟院商都馬一千二百匹。太僕寺兩翼馬八百匹。察哈爾領牧直隸出青馬三千一百七十六匹。共馬五千一百七十六匹。均歸南苑牧放。○又奏定在苑牧放直隸出青馬三千一百七

十六匹。除倒毙馬八百零一匹。又提撥直隸不
數馬二百七匹。實存馬二千一百六十八匹。令
該委員收領。其不數原額馬一千八匹。即由察
哈爾都統在蒙古捐輸馬內撥補。至倒毙馬匹
皮張交兩翼監督變價解交戶部。○又奏定南
苑牧放商都太僕寺馬匹。霜降以前。由上駟院
太僕寺轉飭該領牧官儘數收領。押回牧廠照
例餵養。直隸出青馬匹。現在南苑牧放。應由該
督於霜降前派員來京收領。其宣化鎮馬匹。即
令現在牧官押赴該鎮驗收。至倒毙馬數。即在

本年各蒙古捐輸馬內照數撥補。○又奉

旨。兵部奏南苑牧放馬匹。請飭分別撤回所有南苑牧放商都太僕寺及察哈爾領牧直隸出青馬匹。間有倒斃均著加恩在本年各蒙古捐輸馬內照數撥補。以示體恤。○又

諭。兵部奏南苑倒斃馬匹。請變通發補。本日又據培成等奏。馬匹全數出苑各一摺。所有直隸天津各營縣應行撥補馬匹。業據培成等提撥足額。著即照例辦理。至直省出青在苑牧放馬匹。除充補前次及陸續倒斃外。實存馬二千二百六十八匹。即著交該省委

員收領其不敷原額馬一千八匹著鐵麟等於蒙古捐輸馬內照數撥歸直隸以足原額即由宣化鎮就近驗收分領其倒斃馬匹皮張著交兩翼監督變價歸繳。二十三年議定八旗各營官拴馬二千匹除一千二百匹係留京當差其出青馬八百匹及直隸馬二千六百十六匹非遇圍差及緊要差使別無調用之處况此項馬匹之外尚有八旗各營備差傳事馬二千九百三十四匹並官拴不出青留京馬一千二百匹皆可調用即或不敷仍可先期向察哈爾調取且商都太僕寺牧

廠馬匹亦皆應行調用。嗣後出青馬匹暨直隸

宣化鎮出青馬五百六十四。一併全行裁撤均

交察哈爾永遠妥牧。所有馬乾全行停止。互見八旗

官馬○又議准察哈爾各旗蒙古捐馬七千九

百七十匹。內撥給天津防堵跟役兵三百匹。又

撥補南苑牧青倒麗馬一千八匹。商都另羣存

捐輸馬六千六百六十二匹。太僕寺兩翼另羣

存捐輸馬五百匹。共七千一百六十二匹。按照

調取圍馬商都六成太僕寺兩翼四成之例。分

給商都驥馬四十四羣。內六成馬四千二百九

十七匹。分給太僕寺兩翼驄馬二十羣。內四成
馬二千八百六十五匹。並防堵跟役兵所騎馬
三百匹。俟交齊。亦歸入商都驄馬四十四羣。收
放此項馬匹。按年倒斃。准由驃馬羣學生馬內
撥補。仍將每年倒斃數目。由牧羣總管。咨報上
駢院查覈。該總管翼領牧長人等。按年應議賞
罰。由上駢院照均齊商都馬羣成例覈議。○又
奏定常川牧放青馬章程。一向年領牧出青馬
三千九百七十六匹。分為十一羣。每羣牧馬官
一員。兵二十名。官兵每名領六箇月牧馬盤費。

銀十八兩。共領銀四千一百五十八兩。仍照舊
章鑲黃正白正黃三旗。每旗牧馬二羣。鑲白正
藍正紅鑲紅鑲藍五旗。每旗牧馬一羣。每羣裁
兵十名。留官一員。兵十名。專司牧放。一年更換
一次。按年造冊送部。一牧青馬匹。既責成各該
旗總管參領。常川經理。應將牧馬總管侍衛參
領副參領。全行停止。一牧馬官十一員。每員每
日給盤費銀一錢。兵一百十名。每名每日給盤
費銀五分。計每年共給銀一千九百八十兩。遇
閏加增。此項銀兩。請免赴部闈領。應即由都統

衙門庫存生息銀內動支。年終報部覈銷。一青
馬向係一成倒斃。嗣後每年仍按一成倒斃。由
商都太僕寺兩翼孳生馬內照數撥補。報部查
覈。倒馬皮張即賞給牧馬兵丁一牧。放出青馬
匹兵丁。向由庫存生息銀內每兵每年給賠補
例外倒斃馬價銀七兩。今既常川牧放春秋並
不領交。所有應領賠補倒馬價銀一千五百四
十兩。應行裁汰。一凡遇調用馬匹內有殘傷倒
斃者。按照商都太僕寺兩翼成案辦理。至官兵
應領送馬盤費銀兩。亦照商都太僕寺兩翼送

馬成案。按名按日支領。此項銀兩。如生息銀內
不敷支放。應即由部關領。其馬匹進口赴京。仍
由部發給草票。每站每馬付七斤重空草一束。

互見馬帑門三十年

諭奕興奏。繳口外牧廠地段。懇請賞收一指。奕興舊有
察哈爾所屬蘇魯克地方牧廠一段。現因牧丁在彼
滋事。難以照管。情願呈繳。著照所請。將牧廠賞收。其
看廠衆丁戶等。均交察哈爾都統管理。該處原撥看
廠丁戶。生齒日繁。且與試墾地畝。間有毗連。應如何
酌定章程。嚴加約束。不致日久滋事之處。著該都統

等委議具奏。○咸豐元年

諭西凌阿奏遵旨體察牧青官馬歸羣牧放一摺。察哈爾八旗牧青馬匹。既據該都統詳細體訪。官兵重受賠累。請分歸商都等處牧放。以便照料。不致經久弊生。自係實在情形。著照所請。此項馬匹。准其分歸商都兩翼太僕寺。騎馬羣內牧放。○又

諭訥爾經額奏江南淮徐一帶現當炎夏。察哈爾馬匹於內地水土素所未習。且覈計日需費用甚鉅。請停止調往。即由江南各糧臺就近採買等語。該督所奏。自係實在情形。此次所調察哈爾馬匹者。即毋庸調。

赴軍營。仍留口外牧放。聽候調用。如軍營馬匹現在不敷。即著陳啟邁鄭敦謹派委委員。於河南山東等處。就近購買。毋誤軍行。○二年議准。

昌西陵八旗添設馬八匹。由察哈爾常川牧青官馬內撥給。○三年議准。巴里坤牧廠孳生駝隻。全數估變。以節經費。○四年奏准。察哈爾牧廠馬匹各路軍營調用甚多。礙難均齊。應請暫行展緩。俟軍務平靖。照常辦理。○七年奏准。商都太僕寺兩翼各項驥馬。羣內倒毙馬匹。應均按照出青馬匹例。每百匹一年准倒十匹。如有逾倒馬

匹。即著落該牧馬官兵等照數賠補。○又議准。
商都太僕寺各牧羣所收各札薩克旗捐輸馬。
除節次調用外。實存新捐輸馬二千三百九十一
八匹。該都統於此項捐輸馬內。撥二千匹分給
察哈爾八旗兵丁騎操之用。如有倒斃由捐輸
馬內撥補。毋令缺額。如倒斃逾額。著落該領騎
兵丁賠補。其馬價銀兩。毋庸由兵餉內作扣。以
免苦累。此項馬匹。即責令該領騎兵丁。就近牧
放。毋庸給予馬乾銀兩。○同治元年。

諭。兵部奏請整頓馬政。以利軍需。並酌擬章程等語。軍

營馬隊最為得力。然必須膽壯精良。方能制勝。近來
馬政廢弛。積弊日深。以致調赴軍營馬匹。時多疲瘦。
若不認真整頓。何以蒐軍實而挽頽風。著照該部所
擬責成各牧廠大臣等官。妥為照料。年終將實在情
形。據實具奏。如調用時。或疲憊不堪。將原奏大臣嚴
加議處。監牧等官從重治罪。若一律膽肥。均准從優
議敘。並由各該軍營大臣。於解到時。查驗具奏。其軍
營調取馬匹。著責成該廠大臣。督率監牧等官。認真
挑選。派委妥弁解送。並先期知照。經過地方官。廣設
棚房。寬儲草料。馬乾一項。准照例酌加十分之二。地

方官不得任意剋扣。解馬官亦不准額外需索。違則從重治罪。至途中報倒。例有定數。沿途馬乾業已酌加。不得藉口例價不敷餽養。如有例外報倒者。照數追賠。數多者照例分別治罪。向來牧廠孳生。限三年一均齊。自咸豐四年經太僕寺奏准。展緩後。歷年各該廠僅於年終咨報兵部。並未照均齊例案分析載明。嗣後每屆年終。著將孳生數目咨報。並將歷屆均齊年分。由該都統依遞覈算。造具細冊報部。以杜弊混。其京外各營。各直省驛站額設馬匹。支應差操。及接遞公文。均關緊要。並著各該管大臣。確切查覈。年

終具奏。如查有缺額及疲乏等弊。即著從嚴叅辦。經此次訓飭之後。各該管大臣等務當力求整頓。俾馬政日有起色。以利軍需。不得視為具文。致干重咎。欽此。

此遵

旨議定嗣後每年終仍將孳生數目咨報。並將歷屆均齊年分。令都統依遞覈算。造具四柱清漢細冊報部。以備查覈。不得以展緩有案。藉滋弊混。○又議准察哈爾都統奏稱捐輸馬匹無多。因查各羣騾馬專為孳生而設。例不應差。共計二百七十四羣。擬於本年先撥給騾馬五百匹。帶馬。

駒五百匹。自明年起。每年專撥驃馬二百匹。截至同治六年。分撥六次。共合驃馬一千五百匹。雖孳生不能豫定。而新舊相接。自可有資差撥。
○又奏定牧廠大臣歲終具奏。將各羣馬匹。臘分實在情形。於摺內聲明。儻奏明馬匹臘肥。至調用時。有疲瘦不堪者。將監牧官從重治罪。原奏大臣。嚴加議處。如一律臘肥。將監牧官原奏大臣。均從優議敘。其臘分肥壯與否。解到時。由軍營大臣。親身查驗。秉公具奏。以昭覈實。○又奏准。調取馬匹。責成牧廠大臣。督率監牧官認

真挑選。沿途解送。仍由該大臣揀選牧廠員弁。
作為督解官。送抵軍營。以專責成而杜推諉。○
又定大凌河牧羣額設。歲食六十兩翼領二員。
歲食四十五兩牧長三十四員。月食三兩副牧
長三十四員。牧副三十四名。月食二兩副牧副
三十四名。牧丁五百二十六名。○又奏准。恭遇
陵差調用察哈爾馬匹。差竣回原處後。每一百匹准倒
五匹。不得按一成報倒。○二年

諭前因兵部奏請整頓馬政。並酌擬章程。當經諭令各
處牧養馬匹。責成各牧廠大臣。年終具奏。如調用時。

德瘦不堪。即將原奏大臣嚴加議處。監牧等官從重治罪。茲據恩合奏稱。整頓大凌河牧羣馬政。請將衰病之牧長勒令退休。並明定章程。牧羣翼領。毋庸與副都統並銜。畫稿各等語。向來牧廠考比馬政。止論孳生之多寡。不論馬匹之肥瘦。以致疲殘羸瘦。充數塞責。且孳生倒耗數目。均有向章例限。牧馬等官無從甄別。甚至衰老之員。戀棧充數。若不嚴行懲辦。不足以資整頓。著照該副都統所擬。其年已七十以上之牧長嘎爾炳阿。常福興德西倫達成阿。副牧長福隆阿。佛英額。即著勒令休致。嗣後牧羣升途。以該羣

孳生之馬數較多。兼能臘壯者以次揀補。如有馬匹
疲瘦等弊。即將該翼領等嚴行參處。牧長以下等官。
即於查驗馬匹之時。分別責懲參革。其錦州牧羣衙
門六品翼領向與副都統聯銜畫稿。非惟與體制不
合。更易啟把持擅權之弊。嗣後錦州牧羣衙門著比
照錦州管莊衙門遇有辦理文稿事件。文內僅敘該
翼領案呈。不准聯銜畫稿。以示區別而杜僭妄。○八

年

諭。奕榕奏查明牧廠准領地畝。有礙牧放。請仍照例封
禁。並將牧長革職訊辦一摺。大凌河西牧廠以老河

身為界。前因旗人胡拉布等呈請領墾三河套舊河底地二千八百餘畝。經盛京戶部叢准升科。現據奕榕覆行查勘。該處開墾地畝日久。恐侵廠地。實於牧政大有闖礙。自應仍行封禁。著戶部查明將該旗人等領地升科之案。即行註銷所墾之地一律平毀。並著該將軍府尹務令旗民地方官照例將馬廠界限挑空濠溝。重整封堆。自舊河底以西不准再行領墾。以重牧政而杜姦萌。牧長阜金當承墾時派往查勘。據稱不礙牧馬。此次覆查出結。又復獨執一詞。意存迴護。顯有營私情弊。著即革職嚴行訊辦。○十三年

議准。大凌河牧羣嗣後收齊節省草銀仍由副都統衙門派員在於錦甯廣義四州縣持票採買內地口輕驕馬補羣隨時驗收牧放如一年內不能買齊將銀歸併下屆採買每匹支價銀九兩互見馬帑門。○又議准大凌河牧羣嗣後驕馬入圍餽養除莊頭應備日給油炭席片等物聽其自便以資辦公其餘草料一概不准折色儻踏故轍將牧長嚴參莊頭斤革一併送交刑部治罪並將失察之兼轄統轄各官一併奏參交部議處○又定大凌河牧羣額設驕馬十羣驃

馬二十四羣。每羣四百匹。○又定大凌河牧羣。
額設駝三十隻。○又定大凌河牧羣。每年小均
羣一次。每三年大均羣一次。各將舊管新收開
除實在馬駝數目。造冊徑送上駟院外。仍送將
軍衙門查覈。○又定大凌河驥馬。每年每百匹
例准倒斃十四匹。逾數倒斃者論過。○又定大凌
河驥馬。三年均羣一次。除學生補抵倒斃外。每
馬五匹。例取學生馬二匹。○又定大凌河馬四
每年於立冬日起交管莊衙門所屬各莊頭入
圈餵養。立夏日止出圈牧放。入圈後各莊頭應

備之棚圈槽鍤有無齊整並馬匹臘分由將軍衙門派員查驗○又定大凌河牧羣內有老口殘傷馬匹每年於五月小均羣時由該處變價每匹價銀一兩至二兩不等分析造冊呈報將軍衙門備查其變價銀兩統屆三年大均羣之期將銀兩由該牧羣處彙總委員徑解內務府廣儲司查收○又定上駟院每年咨取添圈驥馬二三百匹不等該處揀選徑行送院○又定盛京內務府每年咨取大凌河駕馬二十餘匹不等該處照數揀選解送將軍衙門轉送○又定

大凌河牧羣。每年倒斃馬皮。揀選張貢寬大者。
按四季徑送。

盛京工部以備採蜜做口袋應用。其破爛不堪者。
俟年終徑送武備院。○又定大凌河牧長等。每
年赴上駟院領取治馬藥材紙筆墨費等項。

欽定大清會典事例卷六百五十

兵部

馬政 軍馬 馬幣一

軍馬○順治十五年題准親王出征帶馬四百
四郡王三百匹貝勒二百匹貝子百五十四鎮
國公百匹輔國公八十四不入八分鎮國公七
十四輔國公六十匹將軍八十四副將軍七十
匹護軍統領前鋒統領副都統各六十四署護
軍統領署前鋒統領副都統各四十四前鋒
參領護軍參領駙騎參領署護軍參領署駙騎

參領一等侍衛護衛各三十五匹。散秩官前鋒侍衛二等侍衛護衛各二十五匹。委署官三等侍衛護衛各十八匹。護軍校驍騎校各十二匹。署護軍校署驍騎校各八匹。護軍領催各六匹。驍騎各四匹。內院學士與副都統同侍讀學士與參領同。侍讀與散秩官同。筆帖式與驍騎校同。多帶者不准。康熙三年覆准。官員解送軍前馬匹。沿途應加謹餽。若疲瘦三匹以下者免議。十匹以下者罰俸三月。二十匹以下者罰俸六月。三十匹以下者罰俸九月。四十匹以下者罰俸一年。

眷罰俸一年。五十匹以下者降一級留任。六十匹以下者降一級調用。六十匹以上者革職。

又題准軍需馬匹有交與州縣餚養者若有疲瘦照解送軍前馬匹例計數議處。○三十五年

諭內廄馬撥一千匹兵部馬撥五百匹八旗佐領所養馬內擇其肥者撥一千五百匹共三千騎於每佐領所留護軍一名內酌量派出令同內廄人將此馬趕護於三月二十日啟行出張家口約行二十餘日可到此馬到時如正當對敵之際則給兵騎用甚有裨益即旋師時令兵丁騎用亦大有濟其趕護馬匹之

護軍與內廄人亦應照出征人例給馬四匹○又

諭軍士所乘出征馬匹到時監收仍給錢糧照常飼養缺者毋令按補每佐領駱駝二隻馬或二十匹或三十匹定數飼養凡有軍事可供需用為益良多至內廄發與騎乘之馬到時亦俱交送內廄隱匿不交者亦或有之著各都統嚴察令其儘數送入○五十四年覆准餽養軍需馬匹疲瘦五十匹以上者將府道罰俸三月百匹以上罰俸六月百五十匹以上罰俸九月二百匹以上罰俸一年二百五十匹以上降一級留任三百匹以上降一級罰

俸一年。乾隆二年

諭軍營撥給兵丁官駝馬匹值寒冬風雪之時不無倒斃兵丁賠補未免苦累今特加恩凡在軍營兵丁拴養馬駝每年每百匹准倒四匹遇有行走之處每百匹內准倒八匹其倒斃駝馬著動公項補給開鎗仍交該管大臣將軍等飭令兵丁加謹牧放毋得恃有此恩以致駝馬過於傷損。○十四年

諭大兵凱旋現在陸續俱由原路回營一切駄載乘騎均需馬匹聞武功以西棧道馬匹倒斃甚多即現存之馬亦因時當春令新草未生每多疲瘦亟應設法

辦理在凱旋回營之兵。原非去時可比。不妨多分起數。從容行走其中。或有願折馬價步行者。應聽其便。但不可令兵丁過於勞苦。如此辦理。或稍遲旬日。較之水路紓迥。尚為省便。○三十四年

諭。前據阿里衮奏。海蘭察等乘騎馬匹。行至南底壩地。方計程不過五六日。即已疲乏。因降旨查詢。今據阿里衮。阿桂。明德等覆奏。所有餽養馬匹。為時已間一年之久。僅得膾三四分。馬匹為行軍第一要務。全在先期悉心經理。加意餽養。務期一律膘壯。方可無誤。軍前進勦之用。從前平定西陲時。黃廷桂在陝甘總

督任內一切軍需籌畫備極精詳而於辦馬一事經理尤能切中窺要凡各處調赴馬匹節次經行之地沿途皆豫備茭芻如法飼秣軍營深為得濟是以黃廷桂於推鋒陷陣雖未身親其事而大臣為國殫心竭力克佐成功朕即格外加恩優封伯爵以示酬庸彼時阿里衮阿桂皆習見熟聞明德又曾經共事豈得竟諉為不知乃阿里衮此次以兼理總督赴滇已越年餘阿桂雖係續到而身任總督責無他諉明德又由巡撫升授總督經朕諭令專心督辦試問軍儲重務孰有大於此者乃伊等並不知殫心籌備以致

悠悠因循。至於如此。猶不肯參奏不善飼馬之劣員。若如伊等所辦。即多費帑項。將來終歸之於無可如何一言了事。是屬何心。如以滇省草料等項價值未免昂貴。原額買用不敷。即應據實奏請加增。軍實所資。朕豈肯稍為靳惜。黃廷桂辦理軍需。所請加增。無不朝奏夕從。伊等豈肯愚忘之乎。何以隔日覩時。諸事漫無措置。且並不一為親身查驗。以稽勤惰。豈國家軍需正幫。可一任官吏恣意開銷。而行間要需。竟致不得實用。伊等尚得謂之有天良乎。現在所調馬匹。陸續解送到滇數月之間。即需用以進剿。若再如

此貽誤所關匪細伊等身家性命固不足惜而誤國家大事即子孫亦必受其殃毋謂朕不戒不教也。又奏准軍需馬羸最關緊要應交各省督撫將所辦馬羸驗明臘分壯健選委委員加意餒解交收如果數足膘肥即將委員請

旨議敘若驗係疲瘦或倒斃過多即責令立時買補並據實嚴行叅奏交派委不慎之上司一體分

賠○三十六年

諭兵部前次議處解馬倒斃各官一案舊例所定倒斃六十匹以上不計多寡概予革職而止實未平允著

軍機大臣會同該部另行按所解馬成數分析定例
具奏欽此遵

旨議定。凡解送軍營馬匹。其分起解送之文武各員。照
軍營賠補馬匹之數。每百匹准其倒斃三四匹。如
倒斃至四五匹者。定以罰俸六月。六七匹者。罰
俸一年。八九匹者。降一級留任。十匹十一匹者。
降一級調用。十二匹十三匹者。降二級調用。十
四匹十五匹者。降三級調用。十六匹至二十匹
者。革職。二十匹以上者。革職杖一百。三十匹以
上者。杖六十。徒一年。三十五匹以上者。杖七十。

徒一年半四十匹以上者杖八十。徒二年四十
五匹以上者杖九十。徒二年半五十匹以上者
杖一百。徒三年。如有盜賣別情。從重治罪。至總
理督解之員。合其督解總數。按其倒斃多寡。亦
照此分別議處治罪。○五十一年奏定軍營辦
事文武官員給予騎駄馬駝數目。文職大學士
尚書都察院左都御史各給馬十六匹。駝四隻。
侍郎給馬十三匹。駝三隻。內閣學士副都御史
三品京堂等官各給馬十二匹。駝二隻。四品京
堂及內閣侍讀學士翰林院詹事府四五品官

國子監滿司業六科給事中各道監察御史各
給馬十四駝二隻各部院郎中員外郎主事內
閣侍讀翰林院詹事府六七品官國子監漢司
業欽天監監正監副太醫院院使院判及各衙
門五六品官各給馬八匹駝二隻內閣中書各
衙門七八品小京官太醫院御醫各給馬八匹
駝一隻各衙門九品小京官及筆帖式天文生
等各給馬六匹駝一隻武職經略大將軍給馬
二十五匹駝六隻將軍及大將軍之副將軍給馬
二十四匹駝五隻副將軍給馬十八匹駝四隻

參贊大臣給馬十七匹駝四隻

盛京吉林黑龍江三處將軍及京城都統各給馬
十六匹駝四隻前鋒統領副都統各給馬十三
匹駝三隻

御前侍衛

乾清門侍衛巴圖魯侍衛領隊侍衛均不論品級。
與總管城守尉各給馬十二匹駝二隻營總翼
長各給馬十一匹駝二隻頭等侍衛前鋒參領
護軍參領參領署參領協領各給馬十四匹駝二
隻二等侍衛前鋒侍衛副護軍參領副參領防

守尉各給馬八匹駝二隻三等侍衛藍翎侍衛佐領委署前鋒參領委署護軍參領防禦各給馬八匹駝一隻親軍校前鋒校護軍校驍騎校各給馬六匹駝一隻副前鋒校副護軍校藍翎長賞空翎拜唐阿各給馬四匹每二名合給駝一隻其作為領隊大臣者副都統以上等官各按本身實任支給副都統以下等官無論品級均按副都統分例一體支給鑾儀衛大小各官按品級照侍衛對品分例支給世職各官各按品級委用職任分例支給以上職銜未能盡載

者查照品級比較支給至軍營委署官由帶兵各該大臣揀選委署一面報明兵部及軍營將軍大臣有案者是為部委其應得分例照所委之銜支給如僅係軍營將軍大臣鼓勵委署並非指定額缺報部有案者仍照本身分例支給文武各官之例帶跟役每五名合給駝馬二匹京城及東三省兵丁每名給馬三匹三名合給駝一隻如無駝處所以馬牛二匹隻折駝一隻牛馬駝皆無處所駝每隻折夫四名馬牛每匹隻各折夫二名○又奏定派往出征各處駐防

滿營官兵。自原營起程前赴進征省分乘騎。本身例馬。兵丁借支庫存馬價。雇買馬廄駝載軍裝。至用兵省分。該官兵等騎來原馬。如果體壯力足。毋庸辦理外。僅路途遙遠。行走迅急。體力疲乏不堪。再為長驅者。將原營騎馬駄馬點交該省查收。分別應用。變價另行辦給騎駄馬駝數目。將軍都統給馬十六匹。駝三隻。副都統給馬十一匹。駝三隻。總管城守尉給馬十四匹。駝二隻。營總協領給馬九匹。駝二隻。參領給馬八匹。駝二隻。防守尉副參領給馬七匹。駝二隻。佐領

防禦給馬七匹駝一隻恩騎尉驍騎校駐防筆
帖式給馬五匹駝一隻兵丁給馬三四每三名
合給駝一隻官兵之跟役每五名合給駄馬二
匹○又奏定派調各省綠營官兵官員乘騎本
營例馬外委馬步兵丁每二名給駄馬一匹官
員之跟役每二名給駄馬二匹○又奏定派往
軍營供事醫生書識匠役騎駄馬駝數目供事
每名給騎馬二匹駄馬一匹若馬匹不敷每馬
折夫二名醫生書識畫匠可以給車地方每三
名給車一輛如道路險仄車不能行之地每名

給行李器具夫二名。其餘各項匠役無論口內
口外每名每站給行李器具夫一名。○嘉慶六
年奏定奉派出師官兵應需馬匹在於各鎮營
內挑選如將不堪備用之馬充數將承辦挑選
之員照以不堪用營馬充數之例降三級調用。
不行飭駁更換之該管上司降一級調用提鎮
降一級留任如係提鎮自行挑選即將提鎮降
三級調用如能挑選妥善差使無誤者准其加
一級。○二十五年

諭。奕顥等奏所有河南陝西出師官兵乘騎打仗傷損

馬匹請旨亦照乘回原處馬匹折價展限坐扣完繳等語此項馬匹該官兵等曾經乘騎打仗傷損及墜山之處彼時均已呈報各營翼長非騎回原處馬匹可比況該官兵等俱恃俸餉度日當差若將倒斃馬匹一律折價賠繳其力不免拮据著加恩將此項打仗損傷馬四百八十四匹俱著寬免毋庸賠繳以示朕體恤軍營奮勉奴僕之至意○道光四年奏定各省辦解軍需馬匹如果足數贍肥由該督撫奏

明請

旨議敘將解送之員准其軍功加一級○七年

諭德英阿等奏伊犁出征兵丁應賠騎駄馬匹一摺道光六年征勦逆回由伊犁各營挑派兵丁二千名隨同出征在官廠內調撥馬匹每兵一名給騎馬駄馬各一匹共給馬四千匹又酌給民遣等駄馬三百三十四匹現經凱撤回營據該將軍等查明各營兵丁原領馬匹由冰嶺行走倍形疲乏且歷時既久倒斃愈多若照分別銷賠兵力未免拮据加恩著照所請所有伊犁兵丁原領馬四千匹准其於定例騎馬五分准銷外再銷三分照駄馬八分准銷例普律著賠二分其民遣等原領駄馬三百三十四匹均已倒斃

應行追賠之處著全行豁免以示體恤○咸豐三年
諭兵部奏酌議吉林黑龍江官兵分起行走需用沿途
馬匹查照成案備辦一摺均著依議辦理所有吉林
黑龍江官兵分起前進之處著改為間一日行走以
期迅速至各該官兵抵營後需用馬匹尤關緊要著
兵部妥速奏明備調毋致遲延○七年

諭穆隆阿慶昀奏遵備軍營馬匹請飭沿途妥為照料
等語察哈爾調赴軍營馬匹既經該署都統等派員
挑選著於所調一千匹外再行添補百餘匹一併管
解來京聽候查驗再行撥解軍營俟馬匹進口時著

沿途督撫府尹派員妥為護送毋使餽養缺乏致誤
要需○同治元年

諭兵部奏請整頓馬政以利軍需並酌擬章程等語軍
營馬隊最為得力然必須膽壯精良方能制勝近來
馬政廢弛積弊日深以致調赴軍營馬匹時多疲瘦
若不認真整頓何以蒐軍實而挽頹風著照該部所
擬責成各牧廠大臣等官妥為照料年終將實在情
形據實具奏如調用時或隨瘦不堪將原奏大臣嚴
加議處監牧等官從重治罪著一律膘肥均准從優
議敘並由各該軍營大臣於解到時查驗具奏其軍

營調取馬匹著責成該廠大臣督率監牧等官認真
挑選派委妥弁解送並先期知照經過地方官廣設
棚房寬儲草料馬乾一項准照例酌加十分之二地
方官不得任意剋扣解馬官亦不准額外需索違則
從重治罪至途中報倒例有定數沿途馬乾業已酌
加不得藉口例價不敷餒養如有例外報倒者照數
追贍數多者照例分別治罪○又

諭據僧格林沁奏此次察哈爾兩起交到馬六百匹不
堪騎用者較多雖因調撥較繁牧羣內所存無幾而
該管員弁平日不能小心餒養臨時率以老弱充數

亦概可知著慶昀等實力整頓嗣後各路軍營調用
馬匹如再似此草率不能一律臚壯定將該都統該
管之員一併懲處

馬帑。順治初年兵部設常盈庫設官管理收
儲車駕司朋椿站銀廢車勘合等項並武庫司
弓兵柴炭缺官柴薪馬值等項太僕寺馬價銀
雨各省營馬缺額或動帑買補或隨時撥給。

六年題准官員騎坐馬皆係自備名曰例馬每
月照數支領草料提督准例馬十五匹總兵官
十二匹副將八匹參將遊擊各六匹都司守備

各四匹千總把總各二匹至兵丁騎操馬酌量
各營情形或馬步各半或馬四步六或馬三步
七或馬二步八或馬一步九或不設馬皆於奏
銷案內照各營實在數目開遠報部察覈知照
戶部銷算草料○七年題准各營朋扣銀兩按
季造報○八年題准副將以下把總以上每月
於應支銀內扣二錢馬兵扣一錢步兵扣五分
守兵扣三分名曰朋扣存儲營中以備買馬之
用若有餘賸由部覈明於奏銷本內題交戶部
充餉○十二年題准停止季報令各督撫將所

屬營馬數目彙造總冊年終奏報查覈○十六
年題准官員例馬提督二十匹總兵官十六匹
副將十二匹參將八匹遊擊以下仍各照舊數
○十八年題准兵馬總歸督提管理其馬政朋
椿文冊俱聽總督彙報○康熙三年常盈庫錢
糧統歸戶部○五年題准營馬倒斃如符年限
者准用朋扣銀買補若年限不符除照例賠椿
外亦准用朋扣銀買補其價直隸每匹九兩山
東十兩山西八兩河南八兩五錢江南十三兩
九錢七分江西十六兩八錢二分四釐福建二

十二兩浙江十六兩湖北湖南十五兩陝西八
兩廣東二十一兩九錢廣西二十兩雲南二十
一兩八錢貴州二十兩二錢二分有奇甘肅四
川除貢馬抵補外其不敷之馬甘肅每匹給價
八兩四川每匹給價十二兩○七年議准各省
朋椿銀兩年終聽兵部查覈應扣銀兩咨送戶
部撥餉如有營馬缺額開送戶部購買○九年
題准裁常盈庫管庫等官○十一年題准官兵
不扣朋銀者該管官罰俸一年提督罰俸六月
無提督之省總兵官罰俸六月○又題准直省

營馬朋椿奏銷有總督之省由總督題報無總督之省由巡撫題報在京巡捕營由該參將呈報本部查覈奏銷○十六年題准營馬倒斃不報照常支領草料將該管官議處○四十四年覆准山西河南湖北湖南陝西營馬倒斃原係朋扣銀買補於康熙二十四年令牽領茶馬補額今招中茶馬已經議停所有各省營馬倒斃仍准用朋扣銀買補○四十五年覆准直省營馬倒斃遞年加增必致朋扣不敷買補嗣後如倒斃過多實有冒銷情弊該督撫提鎮即行題

參。○四十七年題准營馬倒斃該管官驗明耳
尾將倒斃日期出結詳報督撫提鎮一面動朋
扣銀買補仍將新馬價值毛齒領騎兵丁姓名
按季造冊報部仍於年終奏銷由部查覈題覆
○五十五年議准營馬朋椿等冊按季造報繁
冗擾累甚屬無益嗣後統於一年奏銷案內造
報一次。○五十七年

諭福建廣東地方潮溼馬匹難存若屢令賠償必至苦
累兵丁業已給過草料銀兩者免其追賠者照綠營
兵丁例半為馬兵半為步兵馬兵各養馬二匹○雍

正元年題准。江南江西福建浙江湖北湖南四川雲南貴州等省營馬騎過三年倒斃者免其賠椿廣東廣西二省減年賠椿騎過三年倒斃者亦免賠椿直隸山東山西河南陝西甘肅等省營馬騎過五年倒斃者免其賠椿均准勸支朋扣銀買補○七年覆准官兵朋扣銀有經督撫提鎮題奏撥修船隻及軍裝器械並賞號公務差遣等事之用者均入於奏銷案內由部查照准其開銷○十二年議准營馬除口外差遣及在軍前倒斃者皮膩免其變價外江南督標每

匹變價一兩五錢提標一兩。安徽撫標一兩二
錢。蘇松撫標九錢二分有奇。湖南湖北一兩。其
餘直省均五錢發給馬價時。將皮臘變價扣除。
於奏銷冊內造報查覈。○又議准買補營馬。遵
照定價發給。不得短少分釐。所買之馬果係膘
壯。方准收營。如有扣剋擾累。該管官革職計贓
治罪。若任兵丁以不堪用之馬充數者。該管官
降三級調用。○又議准四川營馬照驛馬之例。
給價八兩。○乾隆元年覆准。武職親丁馬匹俱
准備價存營。遇有需用馬匹之時。即將所存馬

價銀兩照部定價值購買備用。○又奏准各省武職官員騎坐馬俱係自備每月在庫關領草乾謂之例馬京城巡捕五營各員弁缺大於衙者則照缺關支例馬草乾銜大於缺者則又照銜關支例馬草乾向不畫一嗣後各省員弁無論大小俱照缺關支例馬交各省總督提督等察覈如再有似此者由該管大臣等照例賠還

○二年

諭今年陝西西安一帶地方收成歉薄糧豆價貴而草價更屬高昂將軍標下兵丁額領之銀不敷餒馬之

用已降諭旨。將明春三箇月草價加增一倍賞給。並令督撫等將本標牧馬草價應否酌添之處。妥議具奏。今思陝省駐城八旗三標官兵馬匹。所有米豆二項。俱令照折支之價自行採買。今年價值昂貴。兵丁購買。未免艱難。除從前已經支給者。毋庸加增外。著將現有應折未支之米豆。照原定每石一兩之價。增添銀五錢。俾兵丁等力量寬餘。不致有添價採辦之苦。此朕格外加恩後不為例。○三年。

諭各營餒養馬匹。惟特馬乾銀兩。查直隸河間通州一帶。每馬一匹。夏秋二季。月支銀九錢。冬春二季。月支

銀一兩二錢。惟天津鎮標左右城守三營大沽等四營每馬一匹夏秋月支銀五錢冬春月支銀九錢較之別營為數減少蓋以天津地勢窪下水草茂盛便於牧放故酌減其價也但天津鎮標三營及大沽王慶坨二營地處水濱為九河下梢連年遭值水患田禾淹浸非平常可比目下兵丁採買料草價值加昂深可軼念著將鎮標城守三營並大沽王慶坨二營實在差操馬兵三百一十四名冬春二季每月應支馬乾九錢外加賞銀三錢與河間通州二協之例相等俟明年夏季仍照舊例開支○七年

諭

雍正七年川省鎮標領協營派往西路駐防官兵內有脫逃兵丁支過草料馬乾銀一千六百九十多餘兩此項自應著追無可寬貸但川省兵丁非盡土著其脫逃者類皆外來隻身無所顧戀之輩遠竄日久查訊無蹤其當日管領之員弁又多更換難以責其追償徒滋營伍之擾著將此項銀兩開恩豁免以息追呼○十四年題准各省總督並兼提督銜之巡撫自乾隆十四年為始各將通省經制原額調撥裁汰安塘駐防缺額實在兵丁馬匹駝隻等項各總數目分析臚列開造冊首再行按照督撫提

鎮標營照前分析開造於後一様造冊二本送
部具題。遠省務於下年八月內拜本。近省務於
下年九月內拜本。統限十月內到部依限具題。
○十五年覆准廣東馬價。因營中公費不足。每
匹扣存三兩。補公費之所不足。應即照扣存之
數。嗣後將價減去三兩。以十八兩九錢作為定
價報銷。至公費別籌酌增。○又奏准廣西馬價
每匹減去三兩。以十七兩報銷。○十六年

諭滇省各營騎操馬匹。定例三年以外。准報倒十分之
三。其額外溢倒之馬。從前該督提等俱於朋扣等項

內通融買補並未著賠嗣後該督碩色查明奏聞仍
請從寬免其賠椿經軍機大臣等議令照例按數賠
補但念邊方水土餽養馬匹與他處情形不同歷來
通融籌辦相沿已久今若復令賠補兵力未免拮据
嗣後滇省馬匹除額定十分倒三按例分別年限著
賠外其溢額倒斃馬匹著加恩免其賠補椿銀仍照
從前通融辦理以示軫恤兵艱之意若兵弁等因有
此旨或致餽養失宜溢倒過多者該督提等嚴行參
處○十七年

諭陝省今年被旱偏災未豆草束價值昂貴駐防滿兵

所領折支銀兩未免不敷購買著將癸酉年春季分
西安駐防應領折支米豆照原定每石一兩之數加
給五錢草價加倍賞給○二十年議准營馬價値除
直隸山東山西河南江蘇安徽江西陝西甘肅
四川等省或僅在十兩以內或據該督撫查覈
實無浮冒毋庸議減福建酌減三兩准以十九
兩報銷浙江減二兩准以十四兩報銷湖北湖
南減一兩准以十四兩報銷廣東再減九錢准
以十八兩報銷廣西再減一兩准以十六兩報
銷雲南減三兩八錢准以十八兩報銷貴州減

二兩二錢二分有奇准以十八兩報銷○二十

二年

諭前因陝甘二省滿漢官兵採買撥解馬匹及各標營
摘缺買補借動公帑若依限扣還兵力未免拮据降
旨該督應作何展限加恩之處查明具奏今據黃廷
桂奏陝甘二省滿漢各標營借墊未還銀三十五萬
九千三百兩零其解送馬駝添補口食盤費等項除
季餉坐扣外尚未還銀六十萬八千三百兩零等語
此所奏借墊未完之三十五萬餘兩著加恩免扣以
示優恤其坐扣未還之六十萬餘兩著酌量分別年

限按期展扣以紓兵力。○又

諭。陝甘兩省挑解軍營馬匹所有摘缺應買補之馬定價不敷多借公項墊用分限扣還朕已降旨加恩矣直隸連年挑解馬匹各標營摘缺買補或亦有似此借墊者著方觀承即查明具奏其動項買補者不在此例。○又奏。陝甘二省滿漢各營採買補缺馬匹借墊銀免其扣還其借送馬駝添補口食盤費坐扣未完銀分作六年扣還奉

諭。六年尚覺限迫著寬至十年。○又

諭。據劉統勳等奏山西大同鎮屬有因換回直省解陝

馬五百餘匹變價不敷買補以致挪墊公項等語此種墊項本應按款扣還但晉省連年挑解馬匹價值未免昂貴借墊買補自出實情若照數追扣兵力不無拮据著加恩於該鎮開款地租銀內撥銀四千兩抵還墊項○二十六年議准陝甘標營馬匹收槽下廠數目日期除延綏鎮標興漢鎮尋改甯陝屬原無廠地向不放廠外其餘各標營向例貯春秋出廠冬春收槽今酌定安西提督肅州鎮冬春六箇月概以三分下廠陝甘二提督延綏鎮屬外路協營西甯涼州河州三鎮蘭州撫標及涼州莊

浪滿營亦冬春統以四分下廠惟西安甯夏滿營與陝甘督標撫標甯夏鎮屬暨陝西提督兼轄之西安城守營潼關協廠地窄狹水草亦遜他處此滿漢七營冬春定四箇月以四分下廠統計下廠日期數目分析覈算每歲可節省草料等項銀約九萬兩應歸裁減○三十五年覆准福建營馬自二十年議准就近採買土馬定價銀一十九兩今貴州等省辦理軍需仍循舊例赴口購買暫准每匹報銷銀二十二兩俟滇省軍務已竣赴鄰省採買時仍照奏定價值每

匹以十九兩報銷。三十八年奏准雲南省買補馬價。向例每匹銀十八兩。嗣後每匹減銀三兩。准以十五兩報銷。四十二年

諭。王進泰奏提標營領餽京馬一項。自乾隆二十八年至四十一年分歷任提督任內。共陸續積存銀一萬四千四百餘兩。除前經奏明存留開設當鋪銀六千兩。並留辦草料銀二千餘兩外。再留銀一千三百二十餘兩。添補每年豫買麵豆草束之需。下存銀五千兩。可否解交內務府廣儲司庫。或解交熱河道庫之處。伏候訓示等語。臣隸提標餽馬。既有積存銀兩。其

督標各鎮領餒京馬是否如此辦理及有無銀兩積存據實覆奏至此項銀兩原係兵丁等分內應得之數官為妥辦得有餘存自應留該處量為滋生期於兵丁有益毋庸解交廣儲司及熱河道庫其應作何經理妥善之處著王進泰悉心詳議具奏○五十三年

諭。魁倫奏稱福州滿兵甲缺除子嗣頂補外其未及歲與無嗣孤寡請裁圈內餒養馬六十四以其草料銀兩作為養贍之資等語福州兵丁技藝平常雖養馬許多亦屬無用儘可裁馬六十四養贍孤寡著交魁

倫酌辨